

Ndebele - Inkanuko Imibhalo - Lust Scriptures

u-Eksodusi 15:9 “Isitha sakloloda sathi, ‘Ngizaxhumana labo, ngizabafica.

Ngizakwaba okuthunjiweyo; Ngizazitika ngokungokwabo. Ngizakhokha inkemba yami, isandla sami sibabhuhise.’

u-Eksodusi 18:21 Kodwa khetha amadoda anelisayo phakathi kwabantu bonke – amadoda azonda inzozo eza ngobuqili – ubusubabeka babe yizinduna zezinkulungwane, zamakhulu, zamatshumi amahlanu, lezamatshumi.

u-Eksodusi 20:14 “Ungafebi.

u-Eksodusi 20:17 “Ungahawukeli indlu kamakhelwane wakho. Ungahawukeli umfazi kamakhelwane wakho, loba isisebenzi sakhe sesilisa loba esesifazana, lenkabi yakhe, lobabhemi wakhe loba yini ekamakhelwane wakho.”

Amanani 11:4 Ududu Iwabantu olwaluphakathi kwabo Iwaqala ukufisa okunye njalo ukudla, ngakho labako-Israyeli baqala ukulila bathi, “Aluba besingazuza inyama yokudla nje kodwa lokhu!

uDutheronomi 5:21 “Ungafisi umfazi kamakhelwana wakho. Ungahawukeli indlu kamakhelwana wakho loba isiqinti sakhe, isisebenzi sakhe sesilisa loba esesifazana, inkabi yakhe loba ubabhemi wakhe loba kuyini okukamakhelwana wakho.”

uDutheronomi 12:20 Nxa uJehova uNkulunkulu wenu eseqlenisile ilizwe lenu njengokulethembisa kwakhe, libe seliloyisa ukudla inyama lithi, “Ngifisa ukudla inyama,” kulapho elizakudla khona lize lifike lapho elithanda khona.

uDutheronomi 22:22 Nxa indoda ingafunyanwa ilele lomfazi wenyenye indoda bobabili kumele babulawe. Kufanele liqede ububi ko-Israyeli.

uJoshuwa 7:21 Ngathi ngibona phakathi kwempango ingubo enhle yase Bhabhiloni, lamashekeli esiliva angamakhulu amabili lomqqala wegolide olesisindo samashekeli angamatshumi amahlanu ngakuhawukela, ngakuthatha. Ngakwembela phansi ethenteni lami, isiliva singaphansi.”

AmaHubo 10:3 Uzikhukhumeza ngezinkanuko zenhliziyo yakhe; ubusisa abayizihwaba athuke uJehova.

AmaHubo 78:18 Bamlinda uNkulunkulu ngabomo ngokucela ukudla ababekutshisekela.

AmaHubo 78:30 Kodwa bengakakutshiyi lokhokudla ababekukhalela belokhu besakunambitha emilonyeni yabo,

AmaHubo 81:12 Ngakho ngasengibayekela ngezinhliziyo zabo zobuqholo ukuthi balandele lokho abakufunayo.

- AmaHubo 106:14 Enkangala bakhulelwa yizinkanuko zabo; khona emqothwini bamlinga uNkulunkulu.**
- AmaHubo 119:36 Phendulela inhliziyo yami eziyalezweni zakho kungabi ngokokuzizuzela okungokwami.**
- IZaga 1:19 Sinjalo isiphetho salabo abadinga inzupo ngokugebenga; kuyayichitha impilo yalabo abayitholayo.**
- IZaga 6:25 Ungasuki umfise ngenhliziyo yakho ngenxa yobuhle bakhe kumbe akuhuge ngamehlo akhe,**
- IZaga 15:27 Indoda eyisihwaba iluhlupho kwabendlu yayo, kodwa lowo ozonda ukufunjathiswa uzaphila.**
- IZaga 21:25,26 Izinkanuko zevila yizo ezililimazayo, ngoba izandla zalo ziyla ukusebenza. 26 Ilanga lonke litshona lifisa okungapheliyo, kodwa abalungileyo bayapha bengagodli.**
- IZaga 28:16 Umbusi ocindezelayo wehluleka ukwahlulela kuhle, kodwa lowo ozonda inzupo yokuganga uzakuba lempilo ende.**
- u-Isaya 56:11 Bayizinja ezihalalela ukudla, ezingasuthiyo. Bangabelusi abangaqedisisiyo, bonke bazazenzela abakufunayo, lowo lalowo udinga inzupo yakhe.**
- u-Isaya 57:17 Ngathukutheliswa yibuhwaba bakhe obubi. Ngamjezisa, ngafihla ubuso bami ngithukuthele, kodwa waqhube ka ngezindlela zakhe zenkani.**
- uJeremiya 6:13 "Kusukela kwabancane kusiya kwabakhulu, bonke bayizihwaba ezifuna inzupo; banjalo labaphrofethi kanye labaphristi, bonke benza inkohliso.**
- uJeremiya 22:17 "Kodwa amehlo akho lenhliziyo yakho kukhangele inzupo yenohliso, lokuchitha igazi elingelacala, ukucindezela kanye lodlakela."**
- uJeremiya 51:13 Lina elihlala ngasemanzini amanengi, njalo lilenotho enengi, isiphetho senu sesifikile, isikhathi senu sokuqunywa.**
- uHezekheli 6:9 Lapho-ke, eziweni abathunjelwa kuzo, labo abaphunyukayo bazangikhumbula ukuthi ngadabuka njani ngenxa yezihliziyo zabo ezilobufabe, esezasukayo kimi, langamehlo abo akhanuka izithombe zabo. Bazazenanya bona ngokwabo ngenxa yobubi ababenzileyo langenxa yezenzo zonke ezenyanyekayo.**
- uHezekheli 14:4,5 'Nanku okutshiwo nguJehova Wobukhos: Lapho loba nguwuphi um-Israyeli ebeka izithombe enhliziyweni yakhe, afake lesikhubekiso esibi phambi kobuso bakhe abesesi yaphrofetha, mina uJehova ngizamphendula mina ngokwami ngokuhambelana lokukhonza kwakhe izithombe okukhulu. 5 Ngizakwenza lokhu ukuze ngizibambe futhi izinhliziyo zabantu bako-Israyeli asebengidelile bonke ngenxa yezithombe zabo.'**
- uHezekheli 22:12 Phakathi kwakho abantu bayavuma ukuthengwa ukuba**

bachithe igazi; uthatha inzuzo lomvuzo odlulisileyo emalini ebolekisiweyo, uthole inzuzo engafanelanga kumakhelwana wakho umbamba ngamandla. Njalo usungikhohliwe, kutsho uJehova Wobukhos.
uHezekheli 33:31 Abantu bami bayafika kuwe, njengabajayele ukukwenza, bahlale phambi kwakho ukuba bezwe amazwi akho, kodwa akutshoyo kabakwenzi. Ngemilomo yabo batsho ukuzinikela, kodwa izinhliziyo zabo zihawukela inzuzo engafanelanga.

uHosiya 4:12 kwabantu bami. Badinga izeluleko esithombeni sesigodo baphendulwe yiluthi Iwesigodo. Umoya wobuwule uyabedukisa; Kabathembekanga kuNkulunkulu wabo.

uHosiya 5:4 "Izenzo zabo kazibavumeli ukubuyela kuNkulunkulu wabo. Umoya wobuwule usezinhliziyeni zabo; kabamamukeli uJehova.

uMikha 2:2 Bahawukela amasimu bawathumbe, kanye lezindlu, bazithathe. Badlelezela umuntu ngomuzi wakhe, lomuntu wakibo ngelifa lakhe.

uHabbakhukhi 2:9 "Maye kulowo obumba umbuso ngenzozo embi ukuba akhele isidleke sakhe phezulu ukuba abalekele ukuwelwa yingozi!

uMathewu 5:28 Kodwa mina ngithi kini: Wonke okhangela owesifazana ukumkhanuka usefebile laye enhliziyeni yakhe.

uMarko 4:19 kodwa impisekelo yalumhlaba, lenkohliso yenotho, lenkanuko yezinye izinto kungene kuminyanise ilizwi, futhi ibe ingasatheli.

uMarko 7:22 ukweba, ubuhwaba, ukuxhwala, inkohliso, amanyala, ilihlo elibi, inhlamba, ukuzigqaja, ubuthutha;

uLuka 3:14 Lamabutho lawo ambuza, athi: Thina-ke sizakwenzani? Wasesithi kuwo: Lingenzi udlakela1 emuntwini, njalo lingacali ngamanga; njalo yeneliswani yimivuzo yenu.

uLuka 12:15 Wasesithi kubo: Nanzelelani liqaphele ubuhwaba, ngoba impilo yomuntu kayikho ebunengini bezinto alazo.

uLuka 16:14 Njalo labaFarisi ababethanda imali bazizwa zonke lezizinto, basebemklolodela.

uJohane 8:44 Lina lingabakayihlo uSathane, lithanda ukwenza inkanuko kayihlo. Yena wayengumbulali kusukela ekuqaleni, njalo kemi eqinisweni, ngoba iqiniso kalikho kuye. Nxa eqamba amanga, ukhuluma ngokwakhe; ngoba engumqambi wamanga loyise wawo.

Imisebenzi 20:33 laphakathi kwenu kuzavela amadoda ekhuluma izinto eziduhisayo, ukuhugela abafundi ngemva kwavo.

AbaseRoma 1:24-29 Ngalokho-ke uNkulunkulu wabanikela emanyaleni enkanuko zenhliziyo zabo, ukuthi badumaze imizimba yabo phakathi kwabo; 25 abaphendulela iqiniso likaNkulunkulu emangeni, basebekhuleka bekhonza okudaliweyo kuloMdali, ongobongekayo kuze kube phakade. Amen. 26 Ngenxa yalokho uNkulunkulu wabanikela enkanukwensi ezilihlazo; ngoba labesifazana babo baphendula ukwenza

kwemvelo kwaba ngokuphambene lemvelo; 27 langokunjalo labesilisa bayekela ukwenza kwemvelo kowesifazana, batsha ngokukhanukana kwabo, abesilisa kwabesilisa benza okulihlazo, bamukeliswa phakathi kwabo umvuzo ofanele ukuduha kwabo. 28 Njalo njengalokhu bengavumanga ukuba lolwazi ngoNkulunkulu, uNkulunkulu wabanikela ukuthi babe lengqondo ebolileyo, yokwenza okungafanelanga, 29 begcwele konke ukungalungi, ukuphinga, ububi, umhawu, inzondo; begcwele kakhulu umona, ukubulala, inkani, inkohliso, ulunya; abahlebayo,

AbaseRoma 6:12 Ngakho kakumelanga isono sibuse emzimbeni wenu ofayo, lize lilalele inkanuko zavo;

AbaseRoma 7:7 Pho-ke sizakuthini? Umthetho uyisono yini? Phinde! Kodwa bengingasazi isono, ngaphandle ngomthetho; ngoba bengingawazi umhawu futhi, uba umthetho ubungatshongo ukuthi: Ungabi lomhawu.

AbaseRoma 13:9 Ngoba lokhu ukuthi: Ungafebi, ungabulali, ungebi, ungafakazi amanga, ungabi lomhawu, loba-ke kukhona lawuphi umlayo, kuflanganiswa kulelilizwi, kulokhu: Wothanda umakhelwane wakho njengalokhu uzithanda wena.

AbaseRoma 13:14 Kodwa yembathani iNkosi uJesu Kristu, linganakekeli okwenyama, ngezinkanuko.

1 AbaseKhorinte 5:10,11 kodwa kungeyisikho ngokupheleleyo leziphingi zalumhlaba kumbe lezihwaba, kumbe labaphangi, kumbe labakhonza izithombe; ngoba phela ngokunjalo kungafanela ukuthi liphume emhlabeni. 11 Kodwa khathesi-ke ngalibhalela ukuthi lingahlanganyeli, nxa umuntu ebizwa ngokuthi ungumzalwane eyisiphingi, kumbe isihwaba, kumbe okhonza izithombe, kumbe isithuki, kumbe isidakwa kumbe umphangi; lingaze ladla lonje lakanye.

1 AbaseKhorinte 6:9,10 Kumbe alazi yini ukuthi abangalunganga kabayikulidla ilifa lombuso kaNkulunkulu? Lingakhohliswa; kakulaziphingi, loba abakhonza izithombe, loba izifebe, loba ababuthakathaka ekulalaneni kwabesilisa, loba abesilisa abalalanayo, 10 loba amasela, loba izihwaba, loba izidakwa, loba izithuki, loba abaphangi, abayikulidla ilifa lombuso kaNkulunkulu.

1 AbaseKhorinte 10:6 Lalezizinto zaba yizibonelo kithi, ukuze singaloyisi okubi, njengalokhu labo baloyisa.

1 AbaseKhorinte 12:31 Kodwa fisani kakhulu izipho ezingcono. Njalo ngisalitshengisa indlela engcono kakhulukazi.

1 AbaseKhorinte 14:39 Ngakho, bazalwane, tshisekelani ukuprefetha, njalo lingakuvimbeli ukukhuluma ngendimi;

2 AbaseKhorinte 9:5 Ngakho ngibona kufanele ukuthi ngikhuthaze abazalwane, ukuze baqale ukuza kini, njalo balungisele ngaphambili

ukupha kwenu ngesihle okwakhulunywa ngakho mandulo, ukuthi lesi silungile, ngokunjalo njengesibusiso futhi kungenjengokuncitshana.

AbaseGalathiya 5:16-20 Kodwa ngithi: Hambani ngoMoya, njalo lingagcwalisi lakanye inkanuko zenyama. 17 Ngoba inyama ikhanuka okuphambene loMoya, loMoya okuphambene lenyama; njalo lezizinto ziphambene, ukuze lingenzi izinto elizifunayo. 18 Kodwa uba likhokhelwa nguMoya, kalikho ngaphansi komlayo. 19 Imisebenzi yenyama-ke isobala, eyile: Ukufeba, ukuphinga, ukungcola, amanyala, 20 ukukhonza izithombe, ukuthakatha, ubutha, inkani, umona, ulaka, ukubanga, ukuxabana, ukubhazuka,

AbaseGalathiya 5:24 Kodwa abakaKristu babethele inyama kanye lokuhugeka lezinkanuko.

Abase-Efesu 2:1-3 Lina-ke walivusa elalifile ngeziphambeko langezono, 2 elalikade lihamba kuzo njengokwendlela yalumhlaba, njengokombusi wamandla asemkhathini, awomoya osebenzayo khathesi phakathi kwabantwana bokungalaleli; 3 lathi sonke esake sahamba phakathi kwabo enkanukweni zenyama yethu, sisenza intando zenyama lezemicabango, njalo ngokwemvelo sasingabantwana bolaka, njengabanye labo;

Abase-Efesu 4:19 bengelamizwa, bazinikele emanyaleni, ekwenzeni kokungcola konke ngomhawu.

Abase-Efesu 4:22-27 ukuthi lilahle, njengohambo lokuqala, umuntu omdala, owonakaliswa yizifiso zenkohliso; 23 njalo lenziwe batsha emoyeni wengqondo yenu, 24 njalo lembathe umuntu omutsha, odalwe njengokukaNkulunkulu ekulungeni lebungcweleni beqiniso. 25 Ngakho lilahla amanga, khulumani iqiniso ngulowo lalowo lomakhelwane wakhe; ngoba siyizitho omunye komunye. 26 Thukuthelani lingoni; ilanga kalingatshoni liselakeni lwenu; 27 futhi lingamniki indawo uSathane.

Abase-Efesu 5:3,5 Kodwa ubufebe lakho konke ukungcola kumbe umhawu kakungaphathwa lakanye phakathi kwenu, njengoba kufanele abangcwele; 5 Ngoba lokhu liyakwazi, ukuthi sonke isifebe, kumbe ongcolileyo, kumbe olomhawu, ongumkhonzi wezithombe, kalalifa embusweni kaKristu lokaNkulunkulu.

AbaseKholose 3:5 Ngakho bulalani amalunga enu asemhlabeni, ukuphinga, ukungcola, inkanuko ezimbi, ukufisa okubi, lomhawu, oyikukhonza izithombe,

1 **AbaseThesalonika 2:5** Ngoba kasizange size ngamazwi ayengayo, njengoba lisazi, futhi kungeyisikho ngokufihla ubuhwaba; uNkulunkulu ungumfakazi;

1 **AbaseThesalonika 4:3-7** Ngoba le yintando kaNkulunkulu, ukungcweliswa kwenu, ukuthi lizithinte ekuphingeni; 4 ukuthi ngulowo lalowo wenu

kakwazi ukugcina esakhe isitsha ekungcweliseni lekuhlionipheni, 5 kungeyisikho enkanukweni yesifiso, njengabezizwe-ke labo abangamaziyo uNkulunkulu; 6 kakungabi khona oweqayo aqile umfowabo kuloludaba; ngoba iNkosi ingumphindiseli ngazo zonke lezizinto, njengoba lathi salitshela ngaphambili safakaza. 7 Ngoba uNkulunkulu kasibizelanga emanyaleni, kodwa ebungcweleni.

- 1 uTimothi 3:3,8** angabi yisidakwa, angabi ngothanda ukulwa, anganxwaneli inzuzo embi, kodwa abe mnene, angabi ngothanda ukuxabana, angabi ngothanda imali; **8 Ngokunjalo abadikoni bahlonipheke, bangabi ndimimbili, abangananzi iwayini elinengi, abangafisi inzuzo embi,**
- 1 uTimothi 6:9,10 Kodwa abafisa ukunotha bawela ekulingweni lemjibileni, lenkanukweni ezinengi zobuphukuphuku ezilimazayo, ezicwilisela abantu encithakalweni lekubhujisweni; 10 ngoba uthando Iwemali luyimpande yakho konke okubi; abanye beyifisa baduhile ekholweni, njalo bazigwaza ngenhlungu ezinengi.**
- 2 uTimothi 2:22 Balekela-ke inkanuko yobutsha, kodwa udingisise ukulunga, uholo, uthando, ukuthula kanye labo ababiza iNkosi kuvela enhliziyweni emhlophe.**
- 2 uTimothi 3:2 Ngoba abantu bazakuba ngabazithandayo, abathanda imali, abaziqakisayo, abaziqqajayo, abahlambazayo, abangalaleli abazali, abangabongiyo, abangangcwele,**
- 2 uTimothi 3:6 Ngoba okuvela kubo labo ngabanyenyela ezindlini, njalo bathumbe abesifazana ababuthakathaka abasindwa yizono, bebuswa zinkanuko eziyinhlobonhlobo,**
- 2 uTimothi 4:3 Ngoba kuzakuba lesikhathi lapho bengayikuvuma imfundiso ephilileyo, kodwa ngokowabo umhawu bazazibuthelelela abafundisi, belunywa zindlebe;**
- uTitosi 2:12 usifundisa ukuthi, sidele ukungakhonzi uNkulunkulu lenkanuko zomhlabo, siphile ngokuqonda langokulunga langokwesaba uNkulunkulu emhlabeni wakhathesi,**
- uTitosi 3:3 Ngoba lathi kade sasiyiziphukuphuku, singalaleli, sikhohliswa, sisebenzela inkanuko lentokozi ezinenginengi, sihlezi ebubini lemoneni, sizondeka, sizondana.**
- AmaHeberu 13:5 Indlela yempilo kayingabi ngeyokuthanda imali, yeneliswani yizinto elilazo; ngoba yena utshilo ukuthi: Kangisoze ngakulahla, njalo kangisoze ngakutshiya.**
- uJakobe 1:14,15 Kodwa ngulowo lalovo uyalingwa, lapho edonswa ehugwa ngezakhe inkanuko; 15 kuthi lapho inkanuko isikhulelwibelethe isono; lesono lapho sesiphelele sizala ukufa.**
- uJakobe 4:1-5 Zivela ngaphi izimpi lokulwa phakathi kwenu? Kakuveli**

Iapha yini, enkanukweni zenu ezilwayo ezithweni zenu? 2 Liyafisa, kodwa kalila; liyabulala njalo lilomhawu, kodwa lingeke lazuza; liyalwa futhi lenza impi, kodwa kalila, ngoba kaliceli; 3 liyacela njalo kalamukeli, ngoba licela kubi, ukuze likuchithele enkanukweni zenu. 4 Zifebe lezifebekazi, kalazi yini ukuthi ukuthanda umhlaba kuyibutha kuNkulunkulu? Ngakho loba ngubani othanda ukuba ngumngane womhlaba, wenziwa isitha sikaNkulunkulu. 5 Kumbe licabanga yini ukuthi umbhalo utsho ize: Umoya ohlala kithi ufisa kumona?

- 1 uPetro 1:14 njengabantwana abalalelayo, lingavumelani lesimo somhawu owawukhona mandulo kokungazi kwenu,**
- 1 uPetro 2:11 Bathandekayo, ngiyalincenga njengabemzini lezihambi ukuthi lizithinte enkanukweni zenyama, ezilwa lomphefumulo;**
- 1 uPetro 4:2-4 ukuze isikhathi esiseleyo enyameni lingabe lisaphilela inkanuko zabantu, kodwa intando kaNkulunkulu. 3 Ngoba kwanele kithi ukuthi isikhathi sempilo esedlulileyo siqhube intando yabezizwe, sisahamba emanyaleni, ezinkanukweni, ekudakweni, ekuminzeni, ekunatheni, lekukhonzeni izithombe okuyangisayo; 4 abamangala kukho, nxa lingagijimi ndawonye kulokhukuthululeka kwamanyala, behlambaza;**
- 2 uPetro 1:4 okungakho siphewe izithembiso ezinkulu kakhulu leziligu, ukuze ngalezi libe ngabahlanganyeli bemvelo yobuNkulunkulu, seliphephe ekuboleni okusemhlabeni ngenxa yenkanuko.**
- 2 uPetro 2:3 njalo emhawini ngamazwi alungisiwego bazakwenza inzuzo ngani; okulahlwa kwabo kwakudala kakulibalanga, lencithakalo yabo kayiwozeli.**
- 2 uPetro 2:9-19 iNkosi iyakwazi ukubephula ekulingweni labo abamkhonzayo uNkulunkulu, lokubagcina abangalunganga kuze kube lusuku Iwesigwebo, bajeziswe; 10 kodwa ikakhulu bona abalandela inyama enkanukweni engcolileyo, labadelela ubukhos. Abangakhathaliyo, abalenkani, kabesabi ukuhlambaza ubukhos; 11 kanti ingilos, ezinkulu ngamandla langengalo, kazilethi isigwebo senhlamba ukumelana labo phambi kweNkosi. 12 Kodwa laba, njengezinyamazana ngemvelo ezingelangqondo ezazalelw ukuhanjwa lokubulawa, bahlambaza izinto abangazaziyo, bazabhujswa ekuboleni kwazo, 13 bazakwemukela umvuzo wokungalungi, abathi kuyintokozo ukuminza emini, bayisici loyangiso, bejabula enkohlisweni zabo, besedilini lani, 14 balamehlo agcwele ubufefe, labangayekeli isono, bayenga imiphefumulo ebuthakathaka, belenhliziyo ezejwayele ubuhwaba, abantwana besiqalekiso; 15 batshiye indlela eqondileyo baduha, balandela indlela kaBalami kaBosori, owathanda inzuzo yokungalungi, 16 kodwa waba lokusolwa kwesakhe isiphambeko; ubabhemi oyisimungulu, ekhulumu ngelizwi lomuntu, wanqanda**

ubuhlanya bomprofethi. 17 Laba bayimithombo engelamanzi, amayezi aq hutshwa yisiphepho, okugcinewe bona ubunyama bomnyama kuze kube phakade. 18 Ngoba bakhulume okokuziqakisa okweze, babayenga ngenkanuko zenyama ngobufebe, labo abaphunyuke sibili kibo abahamba ekuduheni, 19 bebatembisa inkululeko, bona uqobo beyizigqili zokubola; ngoba lowo umuntu ehlulwe ngaye, laku ye wenziwa isigqili.

2 uPetro 3:3 kuqala yazini lokhu, ukuthi ekucineni kwensuku kuzafika abahleka usulu, behamba ngokwezabo inkanuko,

1 uJohane 2:15-17 Lingawuthandi umhlabo loba izinto ezisemhlabeni. Uba umuntu ethanda umhlabo, uthando lukaYise kalukho kuye; 16 ngoba konke okusemhlabeni, inkanuko yenyama, lenkanuko yamehlo, lokuzigqaja kwempilo, kakuveli kuYise kodwa kuvela emhlabeni. 17 Lomhlabo uyedlula, lenkanuko zawo; kodwa owenza intando kaNkulunkulu uhlala kuze kube nininini.

uJuda 1:11 Maye kibo! Ngoba bahambe ngendlela kaKayini, futhi baziwisele ekuduheni kukaBalami ngenxa yenzozo, lenkanini kaKora babhubhile.

uJuda 1:15-19 ukwenza isigwebo esimelana labo bonke, lokubalahla bonke abeyisa uNkulunkulu phakathi kwabo ngenxa yezenzo zabo zonke zokungesabi uNkulunkulu abazenzayo beseyisa uNkulunkulu, langawo wonke amazwi anzima izoni ezeyisa uNkulunkulu eziwakhulume emelene laye. 16 Laba ngabangungunayo, abasolayo, behamba ngokwenkanuko zabo, lomlomo wabo ukhuluma izinto zokuzikhukhumeza, bebuka abantu, ngenxa yenzozo. 17 Kodwa lina bathandekayo, khumbulani amazwi akhulunywa ngaphambili ngabaphostoli beNkosi yethu uJesu Kristu; 18 ukuthi bathi kini, kuzakuba khona abahleka usulu ngesikhathi sokucina, behamba ngokwenkanuko zabo zokweyisa uNkulunkulu. 19 Yibo laba abenza izehlukaniso, bangabemvelo, kabalaMoya.

Isambulelo 18:14 Lezithelo zesifiso somphefumulo wakho zisukile kuwe, lazo zonke izinto ezinonileyo lezikhaZimulayo zisukile kuwe, kawusoze ubuye uzithole.